

Na osnovu člana 10. stav (1) tačka b) Zakona o javnim nabavkama („Službeni glasnik BiH“, broj: 39/14), a vezano za Odluku Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Zaključak Vlade Kantona Sarajevo, broj: 02-04-8471-1.32/20 od 03.04.2020. godine i Naredbu Štaba civilne zaštite Kantona Sarajevo, broj: 08-40-423-25/20 od 03.04.2020. godine, dana 05.04.2020. godine, zaključuje se

**UGOVOR
ZA PRUŽANJE USLUGA SMJEŠTAJA OSOBA KOJE NE POSTUPE PO
RJEŠENJU NADLEŽNIH INSPEKCIJSKIH ORGANA KOJIM SE ODREĐUJE
PRINUDNA IZOLACIJA**

između

KANTONALNE UPRAVE CIVILNE ZAŠTITE KANTONA SARAJEVO, ul. Fehima ef. Čurčića br. 1., Sarajevo, koju zastupa vršilac dužnosti direktora, Jasmin Terović, ID broj: 4200665390008 (u daljnjem tekstu: **Naručilac**), i

J.U. „STUDENSKI CENTAR“ SARAJEVO, ul. Aleja Bosne Srebrene b.b., Sarajevo, koju zastupa direktor Tarik Curić, ID broj: 4200458760008 (u daljnjem tekstu: **Izvršilac**)

U daljnjem tekstu Ugovora, kada se **Naručilac** i **Izvršilac** navode zajednički, tj. zbirno, tada su označeni kao „**Ugovorne strane**“.

Član 1.

Predmet ovog Ugovora je pružanje usluga smještaja osoba koje ne postupe po rješenju nadležnih inspeksijskih organa kojim se određuje prinudna izolacija za vrijeme vremenskog perioda za koji je ta mjera određena ili produžena, a koji se locira u objektu Studentskog doma „Bjelave“ Sarajevo u ul. Bardakčije br. 1 (u daljnjem tekstu: objekat za prinudnu izolaciju).

Izvršilac će uslugu smještaja pružiti na osnovu člana 10. stav (1) tačka b) Zakona o javnim nabavkama („Službeni glasnik BiH“, broj: 39/14), zbog posebnih mjera sigurnosti u slučajevima izuzetne nužde (spašavanje ljudskih života, zdravlja, i sl.), obzirom da se radi o nabavci koja se može dokazivo dovesti u direktnu vezu s mjerama neophodnim za sprječavanje širenja i ublažavanje posljedica Corona virusa (COVID-19).

Član 2.

Ukupna cijena pružanja usluge iz člana 1. ovog Ugovora ne može biti veća od 20.000,00 KM (slovima: dvadesethiljada KM) bez PDV-a. Ugovorene usluge će se pružati sukcesivno, u skladu sa stvarnim potrebama.

Ukupna cijena smještaja jedne osobe za jedan dan boravka u objektu za prinudnu izolaciju sa PDV-om iznosi 15,00 KM (slovima: petnaest KM).

Cijena smještaja jedne osobe za jedan dan boravka u objektu za prinudnu izolaciju uključuje troškove smještaja sa obezbijeđenja tri obroka, troškove obezbijeđenja objekta i sve druge zavisne troškove koje se pojave tokom trajanja ugovorenog perioda.

Cijena iz člana ovog Ugovora je nepromjenjiva tokom cijelog perioda trajanja Ugovora.

Član 3.

Obaveze Izvršioca su:

- da u skladu sa odredbama ovog Ugovora usluge koje su predmet ovog Ugovora pruža sukcesivno i kontinuirano, sve dok traje potreba smještaja u objekat za prinudnu izolaciju, obzirom da plan i dinamika ostvarivanja predmeta Ugovora nisu unaprijed poznati;
- da osigura uslugu smještaja u objektu za prinudnu izolaciju, nakon što policijski službenici Uprave policije Ministarstva unutrašnjih poslova Kantona Sarajevo prilikom neposredne kontrole utvrde da osoba ne postupa po rješenju za izolaciju, koji će putem J.U. „Zavod za hitnu medicinsku pomoć Kantona Sarajevo“ izvršiti transport i smještaj te osobe u objekat za prinudnu izolaciju;
- da za osobe koje budu smještene u objekat za prinudnu izolaciju osigura tri obroka dnevno;
- da obezbijedi osiguranje objekta za prinudnu izolaciju;
- da svakodnevno Naručiocu dostavlja spisak osoba koje su smještene u objekat za prinudnu izolaciju putem e-maila: kucz@kucz.ks.gov.ba ili na fax: 033/257-336;
- da predmetne usluge fakturiše jednom mjesečno, gdje sastavni dio fakture čini spisak osoba koje su smještene u objekat za prinudnu izolaciju, sa imenom i prezimenom osoba, vremenskim periodom u kojem su boravile u objektu za prinudnu izolaciju i dokazom na osnovu kojeg su iste smještene u objekat za prinudnu izolaciju (odgovarajuća potvrda ili rješenje nadležnih organa);
- da će u slučaju prijema pismenih primjedbi od strane Naručioca, u pogledu nedostataka kvaliteta pruženih usluga, odmah postupiti i otkloniti iste.

Član 4.

Naručilac se obavezuje da će za potrebe iz člana 1. ovog Ugovora Izvršiocu obezbijediti odgovarajući broj zaštitnog materijala (zaštitnih maski, rukavica i sl.).

Naručilac se obavezuje da će, za pruženu uslugu, izvršiti plaćanje na račun Izvršioca broj: 1610000004420010 otvoren kod Raiffesen Bank d.d., u roku od 15 (petnaest) dana od dana zaprimanja fakture na protokol Naručioca.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

Član 5.

Ovaj Ugovor može se raskinuti sporazumno ili po zahtjevu jedne od Ugovornih strana, ako su nastali bitni razlozi za raskid Ugovora.

Ako dođe do sporazumnog raskida ovog Ugovora, Ugovorne strane sporazumom o raskidu utvrđuju prava i obaveze koje proističu iz raskida Ugovora.



Ukoliko Izvršilac ili Naručilac ne bude ispunjavao, ili ne bude u mogućnosti ispuniti obaveze iz ovog Ugovora, Izvršilac ili Naručilac može jednostrano raskinuti ovaj Ugovor, uz prethodnu pismenu obavijest o tome.

Obavještenje o jednostranom raskidu ovog Ugovora mora se dostaviti drugoj Ugovornoj strani isključivo u pismenom obliku najmanje 30 dana unaprijed, u kojem se obavezno navodi po kojem osnovu se raskida Ugovor.

Član 6.

Izmjene i dopune ovog Ugovora mogu se vršiti isključivo u formi aneksa uz pismenu saglasnost obje Ugovorne strane, koji kao takav dokument čini sastavni dio ovog Ugovora.

Član 7.

Na sve međusobne odnose Ugovornih strana koji nisu uređeni ovim Ugovorom primjenjivat će se odredbe Zakona o obligacionim odnosima.

Član 8.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 9.

Ovaj Ugovor stupa na snagu danom njegovog potpisivanja od strane ovlaštenih predstavnika Ugovornih strana, i isti će se primjenjivati dok bude na snazi Odluka Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, odnosno dok traje potreba smještaja u objekat za prinudnu izolaciju, obzirom da plan i dinamika ostvarivanja predmeta Ugovora nisu unaprijed poznati.

Član 10.

Ovaj Ugovor je sačinjen u 4 (četiri) primjerka, gdje svaka Ugovorna strana zadržava po 2 (dva) primjerka.

ZA IZVRŠIOCA

Direktor

Tarik Curić

Broj: 01-482/20
Sarajevo, 05.04.2020. godine



ZA NARUČIOCA

v.d. Direktor

Jasmin Terović

Broj: 06-11-663-2/20
Sarajevo, 05.04.2020. godine



